

吳橋縣志卷三

建置志中

壇廟

社稷壇在城西郭門外西北

壇制東西二丈五尺南北如之高三尺一成

用營造尺

四出陞各

三級繚以周垣四門朱色自北門入壇南正中立石主一去壇二尺五寸露圓頂餘埋土中壇西北隅設瘞坎一成甃砌東向寬四尺深三尺西面作踏道上下今僅存地基

謹按周禮大司徒設其社稷之壇而樹之田主各以其野之所宜木遂以名其社與其野小司徒凡建邦國立其社稷封人凡封國設其社稷之壇令社稷之職祭法諸侯爲百姓立社曰國社諸侯自爲立社曰侯社大夫以下成羣立社曰置

社郊特牲社祭土而主陰氣也陳氏禮書曰社所以祭五土之示稷所以祭五穀之神稷非土無以生土非稷無以見生考漢高祖二年命縣爲公社十年令縣常以春二月及臘祠稷以羊豕光武建武二年使郡縣置社稷太守令長侍祠牲用羊豕隋開皇初建社稷以仲春仲秋吉戊祭郡縣並以少牢各祭唐開元禮以春秋仲月上戊祭宋初州縣惟春秋二祭淳熙七年用齊慶胄言頒淳熙編類祀祭儀式於諸州朱子有州縣社稷壇說元史至元十年頒諸路立社稷壇儀式明史洪武元年頒壇制於天下郡邑俱設於本城西北右社左稷十一年定同壇合祭如京師十四年令三獻皆以文職長官武官不與

大清會典順治初定府州縣每年春秋仲月上戊日祭祭品刊圖通行

風雲雷雨山川壇在南郭外東南

壇制東西二丈五尺南北如之高三尺一成四出陞各三級繚以周垣四門朱色自南門入壇北正中立石主一去壇二

尺五寸露圓頂餘埋土中壇東南隅設燎鑪一座甃砌西向
今僅存地基

謹按周禮大宗伯以禋燎祀司中司命觀師雨師以貍沈祭
山林川澤文獻通考秦始皇時雍有風伯雨師廟以歲時奉
祠東漢以丙戌日祀風師於戌地以己丑日祀雨師於丑地
牲用羊豕隋於國城東北七里爲風師壇祠以立春後丑又
於國城西南八里爲雨師壇祠以立夏後申壇皆三尺牲並
用一少牢唐天寶四載勅風伯雨師濟時育物謂之小祀頗
紊彝倫自今已後並宜升入中祀仍令諸郡各置一壇因春
秋祭社之日同申享祀祭官取太守以下充五載詔曰發生
振蟄雷爲其始今雨師風伯久列於常祠惟此震雷未登於
羣望已後每祀雨師宜以雷師同壇祭共牲別寘祭器宋皇
祐初定風師壇高三尺周三步雨師雷師壇高三尺方
一丈九尺政和三年以雨師雷師爲二壇同壇其祀則用柏
升烟明史增雲師於風師之次太祖時禮臣言風師雨師之
祀見於周官後世皆有祭唐天寶中增雷師於雨師之次宋
元因之然唐制各以時別祭失享祀本意宜以太歲風雲雷
雨合爲一壇嘉靖十年建太歲壇別祭仍勅王國府州縣亦

祀風雲雷雨師築壇城西南祭用鷺鵒秋分日洪武二年太祖以嶽瀆諸神各祭城南未有專祀又享祀之所屋而不壇非遵神之道禮官集議以嶽鎮海瀆及天下山川城隍合爲一壇春秋專祀其王國府州縣山川之祀洪武十三年定制國朝乾隆二十二年三月禮部議覆陝西巡撫陳宏謀咨稱致祭社稷壇定於春秋仲月上戊致祭山川壇祇載春秋仲月未奉定有祭期會典亦未載有祭日等語今擬山川之神於春秋仲月與社稷壇同日致祭請載入會典永遠遵行

先農壇舊在東郭教場光緒元年署知縣倪昌燮移置東郭外

東北玉皇閣後

壇制東西二丈一尺南北如之高二尺一寸一成四出陞各

三級繚以周垣三門朱色自南門入壇北建正房三間

中奉神位

東貯祭器農具西貯耜田米穀

東西配房各一間

東置祭品西住看壇農民

壇東南隅設

瘞坎一成西向寬四尺深三尺東面作踏道上下今設壇基

謹按月令天子以元日祈穀於上帝乃擇元辰天子親載耒耜帥三公九卿諸侯大夫躬耕帝藉天子三推三公五推卿諸侯九推周禮甸師掌帥其屬而耕耨王藉以時入之國語農正陳藉禮韋昭注敷陳藉禮祭其神為農祈也文獻通考漢舊儀春始東耕於藉田官祀先農後漢藉田儀正月始耕以乙日祠先農及耕於乙地是月命郡國守皆勸人始耕宋元嘉二十一年將親耕整制千畝立先農於中阡西陌南御耕壇於中阡西陌北以一太牢祀先農班下郡國悉備其禮梁普通二年移藉田壇為先農壇宋神宗元豐二年詔於京城東南度田千畝為藉田徙先農壇於其中明史洪武二年建先農壇於南郊在藉田北祀儀與社稷同祀畢行耕藉禮

厲壇在西郭外迤西

謹按祭法王祭泰厲諸侯祭公厲大夫祭族厲士喪禮疾病禱於厲鄭注謂漢時民間皆祀厲春秋傳曰鬼有所歸乃不為厲唐開元禮七祀秋祭厲文獻通考宋秋祀厲牲用羊豕明史洪武三年定制京都祭泰厲壇歲以清明及十月朔遣官致祭前期七日檄京都城隍祭日設城隍神位於壇上無祀鬼神等位於壇上之東西羊三豕三飯米三石王國祭國

厲府州祭郡厲縣祭邑厲皆設壇城北一年二祭
後定郡邑厲壇皆以清明日七月十五十月朔日

鄉厲壇

仁和鄉

孝義鄉

在城東窪吳家莊
後離城十二里

豐樂鄉

在東關
外東嶽

廟安陵鄉

在城西北祁家寺西
北離城二十五里

定原北鄉

定原南鄉

在城南趙

虎家莊

西常莊

順政鄉

在城南冷家寺
北離城十五里

順義鄉

在城東新莊
離城八里

安德鄉

在城北單家店觀音
堂東離城二十五里

新得鄉

在遷民屯
地藏廟後

新安鄉

在西關外

白衣歸仁鄉

歸厚鄉

崇德鄉

俱無考

按明制里社立鄉厲壇各村堡耆老主之亦每歲三祭祭
物牲酒隨鄉俗置辦然已久廢不行附記於此以備考

關帝廟在北關外明永樂十三年知縣吳原建天順五年知縣

葉茂萬歷二年縣翼勉續修

國朝雍正三年知縣金啟元添建後殿道光十年知縣章希穎同

治十三年署知縣倪昌燮重修

舊制正殿南向三間正厦三間前爲山門三間門前爲照壁
今於後殿正北復建

崇聖祠一大間殿前設月臺前爲二門一座凡三門二門外添
東西齋宿房各一間

正殿內恭懸

文宗顯皇帝御書萬世人極匾額

一在縣治北後城街後

國朝雍正十三年當商袁天奎等創建乾隆五十三年當商復盛
興等道光二十六年當商王履端等重修爲當行會館凡遇

萬壽聖節元旦冬至知縣率僚屬序班朝賀於此

〔廟制〕正殿南向三間正厦三間東西配殿各三間前爲山門門前東西設旗杆門上爲戲臺臺兩旁偏南爲鐘鼓樓臺左右戲樓各四間正殿左右羣房各五間殿後禪房三間東西并列廚房各二間又東西廂房各二間正殿迤東另院客堂三間便門一座內設照壁繚以周垣院內有井

一在東門口創建無考歲久盡圯

一在南關外迤東正殿三間山門一座繚以周垣

一在縣城西北鄉十五里口運河西岸堤上古廟也創建莫考殿一間下立橋形俗呼爲橋上廟同治十年河水漫溢盡圯

十三年署知縣倪昌燮重建其在城市各村莊者凡一百一

十五廟

一在城內秀才營	一在高大磨莊	一在何家莊	一在郭紅莊	一在姚家莊	一在戴家莊
一在劉朝土莊	一在三里陳莊	一在張維莊	一在裕連韓莊	一在柴古梁莊	一在屠張家莊
一在崔吳莊	一在兖家寺	一在朱王奉莊	一在在馮莊	一在在火盆陳莊	一在在馮莊
一在菜園王莊	一在劉營邢莊	一在在張維莊	一在在柴古梁莊	一在在馮莊	一在在馮莊
一在馬家莊	一在沈家莊	一在在談家莊	一在在打狗李莊	一在在城西梁莊	一在在城西梁莊
一在段家莊	一在蔣子郭莊	一在在張家集	一在在潘莊	一在在業家莊	一在在業家莊
一在范家莊	一在在牟家莊	一在在張家集	一在在潘莊	一在在業家莊	一在在業家莊
一在西宋門	一在在東宋門	一在在賈于莊	一在在李湛莊	一在在大齊莊	一在在大齊莊
一在時莊	一在在梨園	一在在天罡西牌	一在在董莊	一在在董莊	一在在董莊
一在劉談莊	一在在祁莊	一在在莫家場	一在在前後雙廟	一在在前後雙廟	一在在前後雙廟

鎮店	一在前七里莊	一在後七里莊	一在中陳莊	一在軍王莊	一在曹家窪	一在新
徐家莊	一在後李莊	一在野猪李莊	一在三里井	一在包孫莊	一在西苗坡梁莊	一在
劉莊	一在陳子臣葛莊	一在冷何感德店	一在趙虎			
李莊	一在大吳莊	一在蔡家莊	一在孫家莊	一在		
王英莊	一在仲家灣	一在尹家莊	一在前于莊	一在		
在王祥莊	一在趙寨	一在高馬勺頭莊	一在楊大毛莊	一在		
南馬莊	一在小劉汗莊	一在大劉汗莊	一在灣東于			
莊	一在岳莊	一在小馬莊	一在韓春莊	一在郭家		
庵	一在白王莊	一在後桐城莊	一在寇家莊	一在		
邢家窪	一在張七莊	一在前關王堂	一在劉家坊	一在		
一在雙劉店	一在杏園高莊	一在窩王莊	一在張新			
莊	一在顧家莊	一在彭家莊				
一在馬家莊	一在王扛莊					

謹按(三國蜀志)

關帝仕漢爲前將軍漢壽亭侯後主景曜三年追諡曰壯穆侯

又封崇甯眞君大觀三年封武安王淳熙十四年封英濟王

〔元史〕祭祀志世祖時大明殿啟建白傘蓋佛事有擣鼻監壇漢關某神轎軍文宗本紀天曆元年封爲顯靈義勇武安英濟王遣使祠其廟明萬曆十八年封協天護國忠義帝四十二年遣司禮監李恩捧旒袍封三界伏魔大帝神威遠振天尊關聖帝君

國朝順治九年

勅封忠義神武大帝雍正三年

勅封帝三代爲公乾隆二十五年三十二年四十一年嘉慶十九

年道光八年咸豐二三兩年

勅加神勇靈佑忠義仁勇威顯護國保民封號四年升入

中祀援照

文廟頒發春秋二祀五月十三日祭祀禮節樂章並

勅加封帝三代爲王六年

勅加精誠封號七年奉

旨神牌改寫

關聖帝君八年九年

勅加綏靖翊

贊封號

文昌閣在學宮東城垣上明萬曆元年知縣龔勉建崇正十三

年知縣余尙春改建重樓並設閣前上城階級

國朝乾隆二年知縣王書升三十三年知縣沈士濂重建去階級
同治四年知縣陶治安續葺十三年署知縣倪昌燮修整仍
復階級

閣制正殿西向三間繞以迴廊由南廊內登梯上層閣繞以
迴欄文人每偕登眺前有古柏二株一出於內城垣之中巍
然直上古木參差舊志爲八景中之一信不誣也

一在城西梁莊

一在連鎮

謹按史記天官書斗魁戴匡六星爲文昌一曰上將二曰次
將三曰貴相四曰司命五曰司中六曰司錄周禮大宗伯以

燹燎祀司中司命是則文昌之祀古矣春秋文耀鉤云文昌宮爲天府孝經援神契云文者精所聚昌者揚天紀輔拂並居以成天象故曰文昌宮後世以梓潼帝君爲文昌豈星精所化如傳說東方朔耶

魁星樓在學宮東南城垣上始建莫考

國朝康熙元年教諭魏繼樾乾隆二十五年邑人季崇桂王九錫等重修三十三年知縣沈士濂重建增高一層同治四年知縣陶治安十三年教諭王子皋訓導蘭體春重修

樓制八角三層第一層門西向緣梯而上三層樓四面皆窗

城隍廟在縣治西北明永樂十三年知縣吳原建宏治十二年知縣李欽嘉靖二十三年知縣劉自修崇正十一年知縣余尙春

國朝康熙三十五年知縣王國熙乾隆二十年知縣修禮咸豐七年知縣金元恭同治十三年署知縣倪昌燮重修

舊制大殿南向三間正厦三間兩旁東西向各五間爲十殿前爲二門三間又前爲山門東西并列兩門大殿後正北爲寢宮三間二門西劉猛將軍殿一間二門外東西牆外禪堂三間均已傾圯今按舊制修建訖并於正厦外東西添建皂班兩殿十殿內加塑天堂地獄諸惡報像兼繪諸善行於壁二門左右兩向內設門神像又東西分立兩門移 劉猛將

軍并祀南關外八蜡廟舊殿爲客堂禪院內添車門一座東

西設廚房車棚各一間繚以周垣

有碑記載
藝文錄

俗傳山門上原

有戲臺一座山門外南街口原有牌坊一座歲久盡圯建復之費又鉅尙期續籌有歛興葺焉

謹按明史洪武二年禮官言城隍之祀莫詳其始先儒謂既有社不應復有城隍故唐李陽冰縉雲城隍記謂祀典無之惟吳越有之然成都城隍祠李德裕所建張說有祭城隍之文杜牧有祭黃州城隍文則不獨吳越爲然又蕪湖城隍廟建於吳赤烏二年高齊慕容儼梁武陵王祀城隍皆出於史又不獨唐而已宋以來其祠徧天下或錫廟額或頒封爵至或遷就附會各指一人以爲神之姓名案張說祭荊州城隍文曰城隍是保甿庶是依則前代崇祀之意有在也今宜附祭於嶽瀆諸神之壇乃命加以封爵府爲威靈公秩正二品州爲靈佑侯秩三品縣爲顯佑伯秩四品命詞臣制文以頌之三年詔去封號止稱某府州縣城隍之神又定廟制高廣視官署治事在各府州縣者守令主之八編類纂城隍自三國以來因事而祭其立祠則見於唐李德裕之在成都宋以來天下通祀

龍神廟在南門原在祭風臺明景泰四年知縣陳政遷建於此

萬曆二年邑人李懿

國朝光緒元年署知縣倪昌燮重修

廟制大殿三間山門一座繚以周垣

一在城西謂臥牛堂

見古跡

一在季家河

一在沙王莊

一

在連鎮

一在大劉莊

一在曹莊

謹按周禮大宗伯以鬯辜祭四方百物文獻通考唐開元二年詔祠龍池又詔置壇及祠堂宋大觀四年八月詔天下五龍神皆封王爵青龍神封廣仁王赤龍神封嘉澤王黃龍神封孚應王白龍神封義濟王黑龍神封靈澤王

大清會典雍正二年

勅封四海龍王之神東曰顯仁南曰昭明西曰正恒北曰崇禮

勅封順天佑畿輔龍神於雍正元年

入蜡神與